

کتابخانه ملی افغانستان  
بانه کورس اسلامي

# قلب

بيلاشن 67 - جمادى الثانية 1375 فيبرواري 1956 - 60 سين

## مجلس اسلام فنصيحة كراچان

تريية درفد تولىسن دمجله اين تننغ اد سبهاكين  
درفد اهل ۲ مجلس اسلام فنصيحة كراچان سيغافورا  
”بوت كايو ددالم فريجال اكام“ تمفقن ستيأوسها  
مجلس ايت تله چوب نمفرتاهنكن نام سمو اهل مجلس  
ايت يغ بوله دصفتكن مقصودن سنوله ۲ اهل  
مجلس اسلام ايت سموان درفد مريك يغدندغ  
لايق مندودكي مجلس ايت. كيتان يغ سفرت ايت،  
ياكي اورغ ۲ يغ مغل كادان اهل ۲ مجلس ايت،  
اداله سفرت اورغ يغ هندق منوتف كيتان يغ پات .

فاتوة دكتهوي بهوا مجلس اسلام فنصيحة  
كراچان سيغافورا اين سميغن تله اد سبلوم فرغ  
دهولو دان ترهنتي دالماس فرتاهن جفون سهكك  
لبهكورغ قد تاهون 1948 سبهاكين اورغ ۲ اسلام  
يغتركموك دسيغافورا مبالوا سوات شور كغد  
فرسكتوان سروان اسلام سملايا ممنا سفاي  
كراچان ملنتيق سمولا مجلس اسلام فنصيحة  
كراچان. ماس ايت فرسكتوان سروان اسلام  
سملايا اداله منجادي تمفة كراچان برتانه ددالم  
فركارا ۲ يغ معنأي حال احوال اكام .

انجوران سفرت ايت تله دبنته اوله سبهاكين  
اهل ۲ جمعيه يغ راديكل دغن ممبري الاسن بهوا لبه  
بايك دتننوة سفاي كراچان معاغترف جمعيه سباكي  
ساتو توبه تمفة اي ممنا نصيحة ددالم فركارا ۲ اكام  
كران مريك مندغ تيدق مناسبه جمعيه ممنا دبنتوق

ساتو توبه سدغ توبه ايت كلق ترلتق داتس دان  
هاروس منيفكلكن سمسكالي جمعيه دبلاكغ .  
تتافي كران سبهاكين اورغ تيدق مندغ فركارا ۲  
يقدمكين اكن برلاكو مك اخرن دستوجووي  
فرموهنن ايت دغن معشوركن نام ۲ اورغ ۲  
يغ فاتوة دلنتيق منجادي اهل فول .

سسوده برتوبه مجلس اسلام فنصيحة كراچان  
يغدفوهنكن اوله جمعيه مك سهكك سكارغ  
جمعيه تروس ترلتق دبلاكغ - تيدق لاكي دمنا  
فيكران اتو دباوا بروندغ دالم فركارا عموم يغ  
معنأي اومة اسلام دان اهل ۲ ن لايق تيدق لايق،  
اداله دلنتيق اوله مريك سسام مريك سهاج -  
يغ اخرن تيدق دافة بمواسكن هاتي - سكاليفون  
يغ ملنتيق ايت توان كينور تتافي يغ منجادغكنن  
اداله اهل ۲ مجلس ايت سنديري .

كتيادان فواسهاتي ايت سكارغ سده تيمبول  
دان كيت چوكف معتهوي بهوا اد بايق درفد اهل ۲  
مجلس ايت اورغ يغ تيدق چوكف بركلايقكن  
دودق دسان مك سوده سفاتوتن توان يغتراوتام  
كبنور مغاتور دان مپوسن سمولا اهل ۲ مجلس ايت  
دغن مندودقكن اورغ ۲ يغ چوكف بركلايقكن  
دمجلس ايت - تيدق سفرت سكارغ اين اد  
سبهاكينن يغ ماسيه كيت بوله ميبوتكن ماسيه اد  
سكليتير اورغ يغ بوت كايو دالم فركارا اكام .

كيت معهادفي دمكين كران مجلس ايت اداله  
منجادي فراتاران داتارا اورغ ۲ اسلام دغن  
كراچان ددالم فركارا يغ معنأي اكام اسلام يغ  
برحاجة ددالم دودق اورغ ۲ يغ چوكف مغرتي دالمحال  
ايت دان جاغن اي دجاديكن تمفة يغ بوله دسبوة  
”بركليق“ سهاج سبب زمان ”بركليق“ ايت تله  
ليواة مسان .

\* \* \*